

# INUIT ATAQATIGIIT

## Inatsisartuni



28. november 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

### **Naalakkersuisunut apeqquq:**

- 1. Ininut inigineqanngitsunut nuuttoqartussanngortillugu nuuttussat qularnaveeqqusissummik ingerlaannaq akiliisinnaasut Inissiatileqatigiit A/S INI-mit salliutinneqartarnerat eqqorpa?**
- 2. Ininut inigineqanngitsunut nuuttoqartussanngortillugu nuuttussat qularnaveeqqusissummik naafferartumik akilersuisinnaasut Inissiatileqatigiit A/S INI-mit tunulliutinneqartarsimanagerat eqqorpa?**
- 3. Apeqquq 1 aamma 2 aappiuppata: Tamanna inatsimmik sumik tungaveqarpa?**
- 4. Apeqquq 1 aamma 2 aappiuppata: Inissarsiortut allattorsimaffianniinnissamut akiuliutaasartut soormita assigiippat, inissamik tunniussinermi qularnaveeqqusissut ingerlaannaq akilerneqarsinnaanersoq imaluunniit naafferartumik akilersuinissaq apeqquqtaatinneqartarsimappata?**

(Inatsisartuni ilaasortaq Sofia Geisler, Inuit Ataqatigiit)

### **Tungavilersuut:**

Pingaaruteqarpoq inissarsiortut assigiimmik tungaveqartumik sullinneqartarnissaat. Taamaattumik paaserusuppara periutsit aallaaviillu assigiinngissimanagerat apeqquqtaalluni inissamik tunineqarnissamut periarfissinneqartoq qularnaveeqqusissummik tamakkiisumik akiliinersoq imaluunniit qaammatinut arlalinnut agguataarlugu naafferartumik akiliisinnaanersoq. Apeqquqtagisannut tamanna tunuliaqutaavoq.

Kissaatigivara apeqquqtikka ullut suliffiusut qulit qaangiutinnginneranni akineqarnissaat.